

2

DIE XVII. JULII.
IN FESTO

SS. JUSTÆ,
ET
RUFFINÆ,

SORORUM VIRGINUM, ET MARTYRUM
HISPAL.

DUP. I. CLAS. CUM OCTAV. IN TOT.

Dioc. Hispal.

DIE XXIV. JULII.
IN OCT. SS. JUSTÆ,
& Ruffinæ, VV. &
MM. Dupl.

Omnia ut in die Festi,
præter lect. 1. Nocturn.
quæ dicunt. de Script.
occ. & Lect. 2. & 3. n.
quæ dicunt. ut infra.

IN DIE OCTAVA.

In secundo Nocturno.

De Epistola Sancti Hieronymi Presbyteri
ad Eustochium.

De Custodia virginitatis,
tem. 1. circa medium.

Lectio iv.

DE virginibus, inquit Apostolus, præceptum Domini non habeo. Cur? quia & ipse, ut esset virgo, non

fuit imperii, sed propriæ voluntatis. Neque enim audiendi sunt, qui cum uxorem habuisse confingunt; cum de continentia differens, & suadens perpetuam castitatem intulerit: Volo autem omnes esse sicut meipsum, & infra: Dico autem innuptis & viduis: Bonum est illis, si sic permaneant, sicut & ego. Quare ergo non habet Domini de virginitate præceptum? Quia maioris est mercedis, quod non cogitur, & offertur: quia si fuisset virginitas imperata, nuptiæ videbantur ablatae, & durissimum erat contra naturam cogere, Angelorumque

✠

que

que vitam ab hominibus
extorquere.

℞. Propter veritatem.

Lectio v.

ALia fuit in veteri lege felicitas. Ibi dicitur: Beatus, qui habet semen in Sion, & domesticos in Jerusale, &c: Maledicta sterilis quæ non pariebat, &c: Filii tui sicut novellæ olivarum in circuitu mensæ tuæ. Vacuus erat orbis, & ut de typicis taceam, sola erat benedictio liberorum. Propterea & Abraham jam senex Ceturæ copulatur, & Jacob mandragoris redimitur, & conclusam vulvam in Ecclesiæ figuram Rachel conquiritur. Paulatim vero increfcere segete, messor immissus est. Virgo Elias, Elisæus virgo, virgines multi filii Prophetarum. Jeremiæ dicitur: Et tu ne accipias uxorem. Sanctificatus in utero, captivitate propinqua, uxorem prohibetur accipere. Aliis verbis id ipsum Apostolus loquitur: Existimo hoc bonum esse: propter instantem necessitatem. Quæ est ista necessitas, quæ aufert

gaudia nuptiarum? Tempus brevium est, in proximo est Nabuchodonosor.

℞. Dilexisti iusticiam.

Lectio vi.

Paulo post.

INveniebatur ergo, ut diximus, in viris tantum hoc continentia bonum, & in doloribus jugiter Eva parturiebat. Postquam vero Virgo concepit in utero, & peperit nobis puerum, cujus principatus in humeros ejus, Deum, fortem, patrem futuri sæculi; soluta maledictio est. Mors per Evam, vita per Mariam. Ideoque & ditius virginitatis donum fluxit in feminas, quia cepit a femina. Statim ut filius Dei ingressus est super terram, novam sibi familiam instituit; ut qui ab Angelis adorabatur in cælo, haberet Angelos & in terris. Tunc Holofernis caput Judith continens amputavit: tunc Aman, qui interpretatur iniquitas, suo combustus est igni: tunc primum auditum est: Quæ non est nupta, cogitat quæ sunt Domini, ut sit sancta corpore & spiritu.

℞. Affe-

30
R. Afferentur Regi.

In tertio Nocturno.

Lectio sancti Evangelii
secundum Matthæum.

Lectio vii. Cap. 25.

IN illo tempore : Dixit
Iesus discipulis suis
parabolam hanc : Simile
est regnum cœlorum de-
cem virginibus, quæ ac-
cipientes lâmpades suas,
exierunt obviam sponso,
& sponsæ. Et reliqua.

Homilia Sancti Augusti-
ni Episcopi.

Serm. 23. de Verbis Dñi. c. 8.

INtendat itaque chãri-
tas vestra. Sapientium
lâmpades ardébant de
oleo æterno, de consciên-
tiæ securitate, de interiô-
re glôria, de intima chã-
ritate. Ardébant tamen
& illarum fatuarum.
Quare tunc ardébant?
Quia non dêerant laudes
hominum. Pôstea verò
quàm surrexerunt, id
est, in resurrectione à
môrtuis, cœperunt aptâ-
re lâmpades suas, id est,
parâre Deo ôperum suô-
rum reddere ratiônem.
Et quia tûc nemo est qui
laudet, omnis homo cau-
sæ suæ vacat : non erant

qui ôleum vèderent, cœ-
perunt deficere lâmpades.

R. Hæc est virgo.

Circa finem, cap. 10.

Lectio viii.

Clausum est ostium.
Et quid illis dictum
est, Non novi vos? Non
illas novit, qui omnia no-
vit? Quid ergo est, Non
novi vos? Improbo vos,
reprobo vos : in arte mea
non vos agnôscô : ars mea
nescit vitia. Hoc est au-
tem magnum, & nescit
vitia, & iudicat vitia:
nescit faciêdo, iudicat
arguêdo. Sic ergo non
novi vos. Ierunt, intra-
verunt quinque pruden-
tes. Sint in vobis quin-
que prudentes, ad istam
prudêntiam quinarîi nû-
meri pertinentes. Veniet
enim hora, & quando
nescimus, veniet. Sic
clausit Evangelium : Vi-
gilâte, quia nescitis diem
neque horam.

R. Media nocte clamor.

*Nona lect. Homil. Vigil S.
Jacobi Apost. ut in prop. Ss.
Hispan.*

*Si dies Octava venri in
Dominica, tunc 9. lect. legitur
de Homil. ipsius Dominica.*

HIS-

HISPALENS!

CUm Sanctissimus Dñus Noster Benedictus Pa-
pa XIV. die 15. Aprilis currentis anni ad pias,
enixaſque preces Emin. & Rmi. Dni. Cardinalis Por-
tocarrero, nomine Catholicæ Majestatis Hispania-
rum Regis Officium proprium SS. JUSTÆ & RUF-
FINÆ VV. & MM. approbatum recitandum die 19.
Julii ab omnibus, qui in universa Ditione præfati
Regni ad horas Canonicas tenentur sub Ritu duplicis
minoris conceſſerit; modò idem Emus. & Reveren-
dissimus D. Cardinalis nomine ipsius Majestatis Ca-
tholicæ, nec non Aloysii S. R. E. Cardinalis Regii His-
paniarum Infantis Ecclesiæ Hispalensis Administrato-
ris eidem SSmo. Dño. Nro. pro elevatione Officii, ac
Missæ earumdem SS. ad ritum duplicis primæ classis
cum Octava humillimè supplicavit, & Sanctitas sua,
attentis peculiaribus circumstantiis, pro Clero civi-
tatis, & Diœcesis Hispalensis tantum, petitis benignè
annuit. Hac die 12. Julii 1752.

D. F. Cardinalis Tamburinus,
Præfectus.

Loco ✕ Sigilli.

M. Marefuscus S. Rit. Congregationis;
Secretarius.